

**BOSNA I HERCEGOVINA
FEDERACIJA BOSNE I HERCEGOVINE**

**ODBOR ZA JAVNI NADZOR
REVIZORSKE KOMORE, DRUŠTAVA ZA REVIZIJU I OVLAŠTENIH REVIZORA
U FEDERACIJI BOSNE I HERCEGOVINE**

**IZVJEŠTAJ O RADU ODBORA ZA JAVNI NADZOR
ZA 2023. GODINU**

Broj: 01-02-10/24

Sarajevo, 18.03.2024. godine

Izvještaj o radu Odbora za javni nadzor Revizorske komore, društava za reviziju i ovlaštenih revizora u Federaciji Bosne i Hercegovine za 2023. godinu sadrži sljedeće dijelove:

1. Uvod
2. Pravni položaj, organizacija i djelokrug rada
3. Aktivnosti Odbora za javni nadzor u 2023. godini

Prilog:

- Izvršenje finansijskog plana za 2023. godinu

1. UVOD

Najznačajnije aktivnosti Odbora za javni nadzor u 2023. godini su bile:

- Odbor za javni nadzor (u daljem tekstu: Odbor) je u 2023. godini održao 12 sjednica u prostorijama Federalnog ministarstva finansija uz administrativno-tehničku pomoć Ministarstva.
- Program rada Odbora za 2023. godinu je usvojen na Petoj sjednici, koja je održana 07.12.2022.godine. Programom rada su definisane aktivnosti Odbora u skladu sa Zakonom o računovodstvu i reviziji u Federaciji BiH („Službene novine Federacije BiH“, broj 15/21, u daljem tekstu: Zakon). Program je dostavljen putem Federalnog ministarstva finansija Vladi Federacije BiH, koja je isti usvojila Zaključkom V.broj:33/2023. na 346. sjednici održanoj 12.01.2023. godine.
- U 2023. godini, Odbor je održao dva sastanka (22.05.2023. godine i 13.12.2023. godine) s predstavnicima Revizorske komore FBiH (u daljem tekstu: Komora), predsjednicom i članovima Upravnog vijeća, te disciplinskog vijeća Komore, a teme sastanaka su bile: informiranje Odbora o općem stanju u Komori, izvještaj o radu Komore za 2022. godinu zajedno s izvještajem o kontroli kvaliteta rada društava za reviziju i licenciranih ovlaštenih revizora za 2022. godinu, informacija o programu rada i finansijskom planu Komore za 2023. godinu, informacija o stanju konkursne procedure za izbor osobe koja vrši direktni nadzor, upoznavanje o radu Disciplinskog vijeća Komore, način organizovanja sastanka s revizorskim društvima i tarifa revizorskih usluga.

Na sastanku koji je održan 22.05.2023. godine, doneseni su sljedeći zaključci:

1. Dogovoreno je da će Komora će uputiti inicijativu za izmjenu određenih odredbi Zakona o računovodstvu i reviziji u FBiH (izmjena kriterija za izbor člana Komisije za nadzor i financiranje Komore jednim dijelom iz proračuna), koju će dostaviti Odboru, a Odbor će dalje u skladu s nadležnostima postupiti prema Ministarstvu,
2. Komora će uputiti urgenciju Ministarstvu vezano za davanje saglasnosti za predloženu Tarifu,
3. Komora će „pojačati“ aktivnosti vezano za indirektni nadzor revizorskih društava i ovlaštenih revizora kako bi imali što bolje rezultate i
4. Dogovoreno je da Komora održi sjednicu Skupštine Komore najkasnije do 15.03. tekuće godine, na kojoj bi bio usvojen Izvještaj o radu komore za prethodnu godinu i

isti da se dostavi Odboru, na razmatranje i prihvatanje, kako bi se ispoštovale odredbe člana 103. Zakona o računovodstvu i reviziji u FBiH.

Na sastanku koji je održan 13.12.2023. godine, doneseni su sljedeći zaključci:

1. Da se sastanak s revizorskim društvima organizuje (uživo), kad bude Skupština Komore, sredinom marta 2024. godine i da to bude zajednički sastanak i
2. Komora treba da traži sastanak sa ministrom Federalnog ministarstva finansija u vezi sa rješavanjem problema neposrednog nadzora i Tarifom, a Odbor će također, ponovo, iza Nove godine, uputiti poziv za sastanak sa ministrom sa istim temama koje su i ranije bile predložene za sastanak koji se trebao održati u septembru 2023. godine.

Nakon održanih sastanaka sačinjavana je zabilješka koja je dostavljana Komori.

- Obavještenja/pojašnjenja dobivena od Revizorske komore FBiH, (koje je tražio Odbor), koja se odnose na provođenje kontrole kvaliteta društava za reviziju: „Džaferović“ d.o.o. Sarajevo, „NConsulting“ d.o.o. Sarajevo i „Deloitte“ d.o.o. Sarajevo, članovi Odbora su smatrali da ovakvo postupanje Komore je neprihvatljivo, s obzirom da nisu dostavljene tražene informacije unatoč vremenu koje je Komora imala da postupi po nalogu Odbora, odnosno Komora je imala dovoljno vremena da provede kontrolu nad navedenim društvima, te da zatraži očitovanje za konkretne slučajeve, analizira dostavljene informacije te o tome obavijesti Odbor.,

Shodno navedenom, Odbor je sačinio dopis Komori da postupi po nalogu Odbora, odnosno da u što kraćem roku (10 dana) zatraži informacije od društava za reviziju Džaferović“ d.o.o. Sarajevo, „NConsulting“ d.o.o. Sarajevo i „Deloitte“ d.o.o. Sarajevo i blagovremeno obavijesti Odbor, te o svim dosadašnjim aktivnostima vezano za isto.

- Članovima Odbora je dostavljen akt koji je Ministarstvo zaprimilo od Komore, a vezano za uvođenje novih Tarifa revizorskih usluga. Naime, Ministarstvo je zatražilo od Komore obrazloženje tj. analizu na osnovu koje su predložene nove, veće cijene Tarife.

Članovi Odbora su konstatovali da je glavni argument Komore za povećanje cijena Tarife u tome što je došlo do smanjenja ukupnog broja obveznika revizije, odnosno da je veliki broj srednjih privrednih subjekata prešao u male privredne subjekte, pa samim tim nisu ni obveznici revizije, također su mišljenja da Komora ne može očekivati da prihodi ostanu na istom nivou uz smanjen obim posla (manji broj obveznika revizije), te da rast inflacije ne može ići samo na „teret“ obveznika revizije.

Članovi Odbora nisu saglasni s predloženom Tarifom, smatraju da su cijene previsoke te da Ministarstvo treba reagirati, u smislu da Komori predloži najniže cijene Tarife.

- Odbor je sačinio Pravilnik o nadzoru provođenja kontinuirane edukacije, osiguranja kvaliteta, te sistema discipline koju provodi Revizorska komora FBiH, te je isti usvojen na sjednici Odbora koja je održana 15.02.2023. godine.
- Izvještaj o radu Odbora za 2022. godinu je razmatran i usvojen na sjednici Odbora, koja je održana 27.03.2023. godine, budući da je članom 103. Zakona o računovodstvu i

reviziji Federacije BiH, propisano da se do 31.03. tekuće godine, Vladi Federacije BiH dostavi na razmatranje i prihvatanje Izvještaj o radu Odbora za proteklu godinu i izvršenje finansijskog plana Odbora, zajedno s Izvještajem o radu Komore.

Također, konstatovano je da Komora nije postupila u skladu s članom 95. stav (4) tačka e) Zakona, odnosno, Odboru nije dostavljen Izvještaj o radu Komore za 2022. godinu, te shodno tome Odbor nije bio u mogućnosti razmatrati Izvještaj o radu Komore za 2022. godinu i isti dostaviti Vladi FBiH skupa s Izvještajem Odbora kako je propisano članom 103. Zakona.

Na sjednici je dogovoreno, odnosno zaključeno je, da se:

1. uputi Komori urgencija za dostavu Izvještaja o radu Komore za 2022. godinu;
 2. dostavi Vladi FBiH putem Ministarstva Izvještaj o radu Odbora za 2022. godinu, uz obrazloženje da će se Izvještaj o radu Komore dostaviti nakon što Komora isti dostavi Odboru.
- Federalno ministarstvo finansija je dostavilo akt koje je dobilo od revizorskog društva Grant Thornton d.o.o. Banja Luka broj: 64-1-D/23 od 07.03.2023. godine, a koji je 10.03.2023. godine u kojem je navedeno da je Revizorska komora FBiH (u daljem tekstu: Komora) pokrenula disciplinske prijave protiv društva Grant Thornton d.o.o. Banja Luka i Aleksandra Džombića, te da Disciplinsko vijeće Komore grubo krši odredbe Pravilnika o disciplinskom postupku (u daljem tekstu: Pravilnik) jer je nastavilo voditi disciplinski postupak unatoč zastari koja je nastupila, a u skladu s odredbama Pravilnika.

Također, Odboru je dostavljen i akt Komore u kojem je navedeno da je Republičko javno tužilaštvo Republike Srpske potvrdilo optužnicu protiv Aleksandra Džombića, osnivača i direktora društva Grant Thornton d.o.o. Banja Luka i licenciranog ovlaštenog revizora u istom društvu, pa shodno tome od Disciplinskog vijeća Komore traži se izricanje odgovarajućih disciplinskih mjera, odnosno brisanje navedenom društva i ovlaštenog revizora iz članstva Komore.

Uvidom u dostavljenu dokumentaciju, članovi Odbora su smatrali da postoji mogućnost da je Komora napravila propust prilikom vođenja disciplinskog postupka.

- Odboru je dostavljen Izvještaj o radu Komore za 2022. godinu, a uzimajući u obzir da je Izvještaj o radu Komore za 2022. godinu usvojen na sjednici Skupštine Komore 09.05.2023. godine, isti je sa zakašnjenjem, 19.05.2023. godine dostavljen Odboru na razmatranje.

Odbor je uvidom u Izvještaj, konstatovao da ni dalje nije uspostavljen neposredni nadzor, a što predstavlja jednu od ključnih funkcija Komore, te je nužno njegovo uspostavljanje što prije. Članovi Odbora su saglasni da se Izvještaj Komore dostavi Vladi Federacije na razmatranje i prihvatanje u skladu s članom 103. Zakona o računovodstvu i reviziji u FBiH, uz određene primjedbe.

Dogovoreno je da će Odbor navesti da nije uspostavljen neposredni nadzor društava za reviziju i ovlaštenih revizora, odnosno da nije formirana Komisija za nadzor i provjeru kvaliteta rada društava za reviziju i ovlaštenih revizora.

- Članovi Odbora, Ljerka Marić i Admir Džumhur, sudjelovali su na Forumu javnih nadzornih tijela Zapadnog Balkana „unapređenje kvaliteta revizije u zemljama Zapadnog Balkana“, koji je održan u Beču 16. i 17. maja 2023. godine, u organizaciji Svjetske banke, te su informisali Odbor da je Forum bio vrlo koristan, te da se većina zemalja susreće s istim problemom nefunkcioniranja neposrednog nadzora.
- Komora je u okviru aktivnosti podrške profesionalnom razvoju članstva, poboljšanju kvaliteta i vrijednosti ljudskog kapitala u revizorskoj profesiji u cilju podizanja kvalitete pružanja revizorskih usluga organizirala specijalistički seminar na temu: „Prezentiranje izvještaja neovisnog revizora; Statusne promjene i obveza revizije; Transferne cijene u praksi“.

Seminaru su ispred Odbora prisustvovali članovi Nedeljka Bilić i Safija Žilić koje su za Jedanaestu sjednicu Odbora dostavile Izvještaj o obavljenom nadzoru. Seminar je prema njima po svim elementima u skladu s tačkom 7. Pravilnika o nadzoru provođenja kontinuirane edukacije, osiguranja kvaliteta, te sistema discipline, ocijenjen ocjenom „DOBAR“. Članovi Odbora su prihvatili Izvještaj o obavljenom nadzoru.

- Na sjednici Odbora koja je održana 13.07.2023. godine, dogovoren je da se planira sastanak s Ministrom Federalnog ministarstva finansija, Predsjednik Odbora je otvorio raspravu po ovoj tački dnevnog reda, te su dogovorene sljedeće teme za sastanak s Ministrom Federalnog ministarstva finansija,:
1. Informirati Ministra o dosadašnjim aktivnostima Odbora;
 2. informirati Ministra da nije uspostavljen neposredni nadzor društva za reviziju i ovlaštenih revizora, te da nije formirana Komisija za nadzor i provjeru kvaliteta rada društava za reviziju i ovlaštenih revizora;
 3. Tarifa revizorskih usluga (Revizorske komore FBiH) - u kojoj je fazi davanje suglasnosti na Tarifu od strane Ministarstva, ta da li je ponuđen novi prijedlog Tarife od strane Revizorske Komore

Dogovoreno da će predsjednik Odbora pripremiti informaciju o dosadašnjim aktivnostima Odbora koji u ovom sazivu djeluje godinu dana. Također, dogovoreno je da se uputi poziv Ministru za sastanak koji je planiran da se održi krajem augusta ili početkom septembra

- Revizorska komora Federacije Bosne i Hercegovine u okviru aktivnosti podrške profesionalnom razvoju članstva, poboljšanju kvaliteta i vrijednosti ljudskog kapitala u revizorskoj profesiji u cilju podizanja kvalitete pružanja revizorskih usluga organizirala je specijalistički seminar na temu: „Nefinansijsko izvještavanje; Planiranje revizije i izrada plana revizije u skladu s MReVs; Međunarodni standard finansijskog izvještavanja za male i srednje subjekte“, koji je održan 17.07.2023. godine.

Seminaru je ispred Odbora prisustvovala gđa Safija Žilić, koja je Odboru dostavila Izvještaj o obavljenom nadzoru. Seminar je u skladu s tačkom 7. Pravilnika o nadzoru provođenja kontinuirane edukacije, osiguranja kvaliteta, te sistema discipline, ocijenjen ocjenom „DOBAR“.

Seminar je ocijenjen ocjenom „dobar“ zato što u svim segmentima (kvaliteta tema i predavača) ima prostora da se naprave pozitivni pomaci, kao i odabir aktualnijih budućih tema i njihovo

povezivanje s praktičnim iskustvima i potrebama članova revizorske struke. Članovi Odbora su prihvatili Izvještaj o obavljenom nadzoru.

- Članovi Odbora koji su prisustvovali razmjeni znanja s Poljskom agencijom za nadzor revizije, odnosno događaj koji je održan 3-4 oktobra u Varšavi, u organizaciji Svjetske banke, sačinili su izvještaj vezano za navedeni događaj.

Članovi Odbora su i usmeno informisani o navedenom putovanju, te su prihvatili dostavljeni izvještaj.

Također, članica Odbora koja je prisustvovala Panel diskusiji: Izazovi održivosti revizijske profesije u FBiH, koja je održana 14.10. 2023. godine u Neumu, sačinila je izvještaj o istom, te usmeno informisala članove Odbora o događaju koji se održao u Neumu. Članovi Odbora su prihvatili izvještaj.

- Članovi Odbora, koji su putovali u Skoplje, a vezano za prisustvo na Drugom regionalnom forumu osiguranja kvalitete revizije, su izvijestili o navedenom putovanju i opća je ocjena da je isto bilo jako dobro, korisno i zanimljivo. Razmjenjena su iskustva sa učesnicima iz drugih država i kontaktovano je da se i drugi susreću sa sličnim problemima kao i mi u Federaciji BiH (primjera radi i u daleko razvijenijim društvima/ekonomijama složena je procedura oduzimanja odobrenja za rad (licence) revizorskom društvu). Predsjednik Odbora je informisao članove Odbora o mogućnosti da se ovakav jedan Skup organizuje i u Federaciji BiH. Izvještaj sa putovanja u Skoplje je jednoglasno prihvaćen.
- Na sjednici koja je održana 13.12.2023. godine, usvojen je Program rada i finansijski plan Odbora za 2024. godinu.
- Član Odbora, koja je prisustvovala seminaru, članove Odbora informisala u vezi sa održanim jednodnevnim seminarom kojem je prisustvovala, dana 24.11.2023. godine u Sarajevu, u organizaciji Revizorske komore FBiH a u okviru aktivnosti podrške profesionalnom razvoju članstva, poboljšanju kvaliteta i vrijednosti ljudskog kapitala u revizorskoj profesiji u cilju podizanja kvalitete pružanja revizorskih usluga i provođenja programa kontinuiranog profesionalnog razvoja. Teme su bile veoma zanimljive: procjena i vrste nematerijalne imovine, kao i vrednovanje nematerijalne imovine prema MRS 38 i prema MSFI 3 i vrednovanje goodwilla, metode vrednovanja nematerijalne imovine prema Međunarodnom standardu procjene vrijednosti 210 i druge teme, te je dostavljen Izvještaj u papirnoj formi. Opća ocjena kvaliteta predmetnog seminara je da je isti vrlo dobar. Prihvaćen je izvještaj o obavljenom nadzoru o seminaru u organizaciji Revizorske komore, koji je održan dana 24.11.2023. godine.
- Shodno Rješenju o imenovanju Odbora, Odbor je u 2023. godini mjesečno sačinjavao i dostavljao izvještaj o radu Federalnom ministarstvu finansija o svojim aktivnostima.

2. PRAVNI POLOŽAJ, ORGANIZACIJA I DJELOKRUG RADA

Odredbama člana 99. Zakona, propisano je da javni nadzor nad Revizorskom komorom Federacije BiH, društvima za reviziju i ovlaštenim revizorima provodi Odbor za javni nadzor. Prema Zakonu, Odbor ima pet članova koje na prijedlog Federalnog ministra finansija imenuje i razrješava Vlada Federacije BiH. Odbor donosi odluke konsenzusom. Članovi Odbora moraju biti eksperti iz oblasti revizije koji posjeduju znanje iz tog područja i koji nisu profesionalno angažirani u provođenju revizije.

Odbor je uspostavljen na osnovu Zakona o računovodstvu i reviziji („Službeni glasnik BiH“, broj 42/04, Zakona o računovodstvu i reviziji u Federaciji BiH („Službene novine Federacije BiH“, broj 15/21), Pravilnikom o načinu i uvjetima izdavanja i oduzimanja licenci ovlaštenim revizorima i društvima za reviziju (Službene novine Federacije BiH“, br. 28/21 i 102/22), Poslovnikom o radu Odbora i Rješenjem Vlade Federacije BiH broj: V.1163/2022 od 28.07.2022.godine („Službene novine Federacije BiH, broj: 61/22), u sastavu Admir Džumhur, predsjednik Odbora, članovi Ljerka Marić, Safija Žilić, Mirjana Vegar i Nedeljka Bilić.

Sredstva za finansiranje aktivnosti Odbora osiguravaju se u Budžetu Federacije BiH. Sjednice Odbora održavane su u prostorijama Federalnog ministarstva finansija, koje pruža neophodnu administrativno-tehničku podršku potrebnu za nesmetan rad Odbora.

Vlada Federacije Bosne i Hercegovine je Zaključkom V.br.33/2023 od 12.01.2023. godine prihvatila Program rada Odbora za 2023.godinu, koji je Vlada Federacije Bosne i Hercegovine donijela na 346. sjednici.

Prema Zakonu, Odbor je dužan dostaviti izvještaj o radu i izvršenju finansijskog plana za 2023. godinu putem Federalnog ministarstva finansija Vladi Federacije BiH na razmatranje i prihvatanje, najkasnije do 31. marta tekuće godine.

Odbor je obavezan dostaviti Plan rada i finansijski plan Odbora za 2023. godinu putem Federalnog ministarstva finansija Vladi Federacije BiH na razmatranje i prihvatanje do 31.12.2023. godine u skladu s članom 103. Zakona o računovodstvu i reviziji Federacije BiH, što je Odbor i učinio.

Program rada i Izvještaj o radu Odbora, moraju, prema Zakonu, biti objavljeni na internetskoj stranici Federalnog ministarstva finansija.

U skladu sa odredbama člana 99. Zakona o računovodstvu i reviziji u Federaciji BiH,

„(1) Odbor za javni nadzor nadzire:

- a) zakonitost rada i postupanja Komore;
- b) djelotvornost, ekonomičnost i svrsishodnost rada Komore;
- c) unutarnje uređenje i organizaciju Komore te osposobljenost članova za obavljanje poslova iz nadležnosti Komore;
- d) odnos članova Komore prema društvima za reviziju i ovlaštenim revizorima i drugim strankama.

(2) Odbor za javni nadzor nadzire i:

- a) registraciju društava za reviziju;
- b) usvajanje standarda profesionalne etike, unutarnje kontrole kvalitete rada društava za reviziju i revizije;

c) provođenje kontinuirane edukacije, osiguranja kvalitete, te sustava discipline.

(3) Odbor za javni nadzor, u okviru nadležnosti utvrđenih ovim Zakonom, obavlja nadzor i nad:

- a) izdavanjem i oduzimanjem licenci ovlaštenim revizorima;
- b) izdavanjem i oduzimanjem licenci za rad društvima za reviziju;
- c) primjenom MSR;
- d) provedbom disciplinskih postupaka i drugih mjera u cilju otklanjanja i sankcioniranja nepravilnosti.

(4) Odbor za javni nadzor surađuje s Komorom.

(5) Odbor za javni nadzor surađuje s nadležnim tijelima u Republici Srpskoj, Brčko Distriktu, državama članicama Europske unije i trećim zemljama, posebno u slučaju utvrđivanja određenih nepravilnosti u radnjama društava za reviziju i ovlaštenih revizora.

(6) U slučaju potrebe Odbor za javni nadzor provodi naknadne provjere društava za reviziju, te prema potrebi i rezultatima provjere, poduzima određene mjere i akcije, o čemu redovito informira Federalno ministarstvo finansija.

(7) U obavljanju nadzora iz stava (1) ovoga člana Odbor za javni nadzor može tražiti od Komore odgovarajuće izvještaje i podatke, odnosno može izvršiti neposredan uvid u rad Komore.

(8) Komora je dužna izvještaje i podatke iz stava (7) ovoga člana dostaviti Odboru za javni nadzor u roku od 15 dana od dana kada su podaci zatraženi.

(9) Odbor za javni nadzor obavlja i druge poslove, u skladu s ovim Zakonom.“

Ako u provedbi javnog nadzora Odbor ocijeni da postoji osnovana sumnja u nezakonitosti i nepravilnosti koje proizlaze iz provođenja javnih ovlaštenja od strane Komore:

- zatražit će izvještaje i druge podatke o uočenim mogućim nepravilnostima,
- predložit će mjere radi njihovog otklanjanja,
- pokrenut će postupak za utvrđivanje odgovornosti zaposlenika Komore,
- tražit će sazivanje Skupštine Komore ukoliko je to potrebno radi zaštite zakonitosti i dobrobiti revizorske struke,
- obavijestit će Federalno ministarstvo finansija i
- poduzet će druge mjere iz svoje nadležnosti.

Odbor, kontinuirano, shodno propisu, treba primati obavijesti od Komore vezano za nadzor rada i provjeru kvalitete rada revizorskih društava i ovlaštenih revizora, o prekršajnim postupcima i drugim preuzetim mjerama da se uklone i sankcioniraju utvrđene nepravilnosti. Odbor je, prema Zakonu, obvezan na saradnju s nadzornim tijelima u Republici Srpskoj, Brčko Distriktu, državama članicama Europske unije i trećim zemljama, posebno u slučajevima utvrđivanja određenih nepravilnosti u radnjama društava za reviziju i ovlaštenih revizora.

3. AKTIVNOSTI ODBORA U 2023. GODINI

3.1. Rad Odbora kroz sjednice Odbora

U toku 2023. godine, Odbor je održao dvanaest sjednica.

U tekstu koji slijedi, dajemo pregled održanih sjednica Odbora u 2023. godini s dnevnim redom:

VI. sjednica održana 12.01.2023. godine

Dnevni red:

1. Prijedlog za usvajanje Zapisnika s Pete sjednice Odbora za javni nadzor;
2. Informacija u vezi obavještenja/pojašnjenja dobivena od Revizorske komore FBiH, a vezano za provođenje kontrole kvaliteta društava za reviziju: „Džaferović d.o.o. Sarajevo, „NConsulting“ d.o.o. Sarajevo i „Deloitte“ d.o.o. Sarajevo;
3. Program rada Odbora za javni nadzor za 2023. godinu (dogovor oko predstojećih aktivnosti Odbora),
4. Komentar na dostavljeni Prijedlog Tarife revizorskih usluga koji je predložila Revizorska komora Federacije BiH i
5. Tekuća pitanja.

VII. sjednica održana 15.02.2023. godine

Dnevni red:

1. Prijedlog za usvajanje Zapisnika sa Šeste sjednice Odbora za javni nadzor;
2. Informacija u vezi obavijesti o svim aktivnostima Revizorske komore FBiH, a vezano za provođenje kontrole kvaliteta društava za reviziju „Džaferović d.o.o. Sarajevo, „NConsulting“ d.o.o. Sarajevo i „Deloitte“ d.o.o. Sarajevo;
3. Izvještaj o radu Odbora za 2022. godinu i izvršenje finansijskog plana (zajedno s Izvještajem o radu Revizorske komore FBiH);
4. Prijedlog za usvajanje Pravilnika o nadzoru provođenja kontinuirane edukacije, osiguranja kvaliteta, te sistema discipline koju provodi Revizorska komora FBiH;
5. Dogovoriti sastanak sa članovima Upravnog vijeća Komore i članovima Disciplinskog vijeća Komore i
6. Tekuća pitanja.

VIII. sjednica održana 27.03.2023. godine

Dnevni red:

1. Prijedlog za usvajanje Zapisnika sa Sedme sjednice Odbora za javni nadzor;
2. Usvajanje Izvještaja o radu Odbora za javni nadzor za 2022. godinu i izvršenje finansijskog plana (dostava Izvještaja o radu Revizorske komore FBiH za 2022. godinu zajedno s Izvještajem Odbora, ako je dostavljen);
3. Obavještenje Revizorske komore FBiH, a vezano za provođenje kontrole kvaliteta društva za reviziju „Deloitte“ d.o.o. Sarajevo i
4. Tekuća pitanja.

IX. sjednica održana 25.04.2023. godine

Dnevni red:

1. Prijedlog za usvajanje Zapisnika s Osme sjednice Odbora za javni nadzor;
2. Utvrditi, odnosno dogovoriti datum sastanka sa članovima Upravnog vijeća Komore i članovima Disciplinskog vijeća Komore,
3. Informacija u vezi revizorskog društva Grant Thornton d.o.o. Banja Luka (disciplinski postupak koji je vodila Revizorska komora protiv revizorskog društva Grant Thornton d.o.o. Banja Luka),
4. Očitovanje na Prijedlog Tarife revizorskih usluga koji je predložen od strane Revizorske komore (dopis dostavljen od strane Federalnog ministarstva finansija dana 19.04.2023. godine) i
5. Tekuća pitanja.

X. sjednica održana 22.05.2023. godine

Dnevni red:

1. Prijedlog za usvajanje Zapisnika sa Devete sjednice Odbora za javni nadzor;
2. Razmatranje Izvještaja o radu komore za 2022. godinu,
3. Informisanje Odbora vezano za održani Forum javnih nadzornih tijela Zapadnog Balkana „unapređenje kvaliteta revizije u zemljama Zapadnog Balkana“, koji je održan u Beču 16. i 17. maja 2023. godine i
4. Tekuća pitanja.

XI. sjednica održana 21.06.2023. godine

Dnevni red:

1. Prijedlog za usvajanje Zapisnika s Desete sjednice Odbora za javni nadzor;
2. Dogovor vezano za aktivnosti Odbora za naredni period uzimajući u obzir Program rada Odbora za 2023. godine;
3. Informiranje Odbora (dostava izvještaja o obavljenom nadzoru) o seminaru u organizaciji Revizorske komore, koji je održan dana 25.05.2023. godine i
4. Tekuća pitanja.

XII. sjednica održana 13.07.2023. godine

Dnevni red:

1. Prijedlog za usvajanje Zapisnika s Jedanaeste sjednice Odbora za javni nadzor;
2. Prijedlog tema za planirani sastanak s Ministrom Federalnog ministarstva finansija;
3. Putovanje u Poljsku, odnosno razmjena znanja s Poljskom agencijom za nadzor revizije koje će se održati 3-4 oktobra u Varšavi (prijedlog 3 člana Odbora koji će prisustvovati navedenom događaju) i
4. Tekuća pitanja.

XIII. sjednica održana 30.08.2023. godine

Dnevni red:

1. Prijedlog za usvajanje Zapisnika s Dvanaeste sjednice Odbora za javni nadzor;
2. Prijedlog aktivnosti Odbora za naredni period;
3. Informiranje Odbora (dostava izvještaja o obavljenom nadzoru, ako je netko od članova Odbora vršio nadzor u skladu s Pravilnikom o nadzoru provođenja kontinuirane edukacije, osiguranja kvaliteta, te sistema discipline), o seminaru u organizaciji Revizorske komore, koji je održan dana 17.07.2023. godine na temu: „Nefinancijsko izvještavanje; Planiranje revizije i izrada plana revizije u skladu s MReVs; Međunarodni standard financijskog izvještavanja za male i srednje subjekte i
4. Tekuća pitanja.

XIV. sjednica održana 18.09.2023. godine

Dnevni red:

1. Prijedlog za usvajanje Zapisnika sa Trinaeste sjednice Odbora za javni nadzor;
2. Razmatranje mogućnosti i načina organizacije sastanaka s revizorskim društvima i
3. Tekuća pitanja.

XV. sjednica održana 16.10.2023. godine

Dnevni red:

- 1) Prijedlog za usvajanje Zapisnika sa Četnaeste sjednice Odbora za javni nadzor;
- 2) Odrediti datum sastanka s Revizorskom komorom, te predložiti dnevni red za sastanak;
- 3) Izvještaj sa putovanja u Poljsku, odnosno razmjena znanja s Poljskom agencijom za nadzor revizije, odnosno događaj koji je održan 3-4 oktobra u Varšavi;
- 4) Izvještaj s Panel diskusije: Izazovi održivosti revizijske profesije u FBiH, koja je održana 14. oktobra u Neumu (Nedeljka Bilić) i
- 5) Tekuća pitanja.

XVI. sjednica održana 13.11.2023. godine

Dnevni red:

1. Prijedlog za usvajanje Zapisnika sa Petnaeste sjednice Odbora za javni nadzor;
2. Obrazloženje za pomjeranje sastanka sa Revizorskom komorom
3. Izvještaj sa putovanja u Skoplje, a vezano za prisustvo na Drugom regionalnom forumu osiguranja kvalitete revizije (Praktični primjeri javnog nadzora i kontrole kvaliteta revizije), koji je održan 7-8 novembra 2023. godine u Skoplju
4. Tekuća pitanja.

XVII. sjednica održana 13.12.2023. godine

Dnevni red:

1. Prijedlog za usvajanje Zapisnika sa Šesnaeste sjednice Odbora za javni nadzor;
2. Program rada i finansijski plan Odbora za javni nadzor za 2024. godinu;

3. Informisanje Odbora (dostava izvještaja o obavljenom nadzoru, u skladu s Pravilnikom o nadzoru provođenja kontinuirane edukacije, osiguranja kvaliteta, te sistema discipline), o seminaru u organizaciji Revizorske komore, koji je održan dana 24.11.2023. godine na temu: „Procjena bilansnih pozicija i relativna procjena“ i
4. Tekuća pitanja.

PREDSJEDNIK

Admir Džumhur

Prilog

ODBOR ZA JAVNI NADZOR U FEDERACIJI BIH-IZVRŠENJE FINANSIJSKOG PLANA ZA 2023. GODINU

PRIHODI		RASHODI	
Opis	Iznos (u KM)	Opis	Iznos (u KM)
Prihodi iz budžeta FBIH	102.672,00	Bruto naknade članovima Odbora za 2023. godinu	86.549,04
Ostali prihodi (kamata na i sl.)	0,00	Administrativni troškovi (angažman stručnog suradnika Ministarstva)	4.941,72
		Troškovi kontinuirane edukacije	
		Troškovi platnog prometa, poštarine i kancelarijskog materijala	
		Ostali troškovi	
Ukupno:	102.672,00	Ukupno:	91.490,76
Višak 31.12.2023. godine	11.181,24		

*Napomena: Naknade u 2023. godini su isplaćene za 11. mjeseci